


[www.BibleForChildren.org](http://www.BibleForChildren.org)



SAN JUAN 14



Ni Jesús taylha'al ixchivinti, jalakjunil: —Jantu k'ama'aninint'ik ni uxiknan la melhanutk'an, k'alhak'ap'up'int'ik ni Dios, vachu kilalhakapu'au ni kit'in. Ta'an vilchal ni kimPay ayaj lhuu jachaqan alin ta'an lay kat'a'ul.



Yu va jantu ix'alil ex kit'in xaklajuniu. Kit'in kajk'anacha jalaqla'oxin ta'an lay kat'aulat'ik. Astan tejkan kakla'oxi'oyacha ta'an kat'aulapitik ex kakminchoqoya', kaklalha'anau para kat'aulat'ik ch'antaun kun kit'in ta'an kaktaula'.



Kit'in Juan va mint'alaqajunk'an kunita. Vachu va chun ikmaqanlqajnan tacha uxiknan. Vachu' ch'antaun lhitanumanau ta'an

lhachimo'onun ni Dios. Vachu' ch'antaun maqant'aqniyau tacha



Jesucristo.



Kit'in por klaqpute'ey ixchivinti Dios yu kimaqxtaqnil  
ni Jesús, ikvilchil tach'in ta'an junkan Patmo,  
taun lakat'un yu tan'ajvil lakamar.




Ex kit'in nimancha kilaqach'apal la ixtap'asta ni Espíritu.  
Ex klaqts'il ta'an jalhachimo'onunkan ancha lakt'iyan,  
ancha ixvil qayntaun lapanaki.



Vachu' ijqasmaklhi tachun axtoqnu' yu Dios lakmakal,  
yu alin lakt'iyan, ali yu alin lakat'un y vachu' yu alin  
ixta'apu' lakat'un ali yu alin laka mar,  
tachun yu alin ixtanajun:



Yu vil ta'an jalhachimo'onunkan ali yu Sas'at'a borrego,  
vamun yu'uncha ay kalakmakakal y kalakto'oyakal y  
ox kalaklhichivinkal. Vamun  
yu'uncha talhit'ajun tap'asta mas  
va tavanancha kaval, jantu  
aqtaun katamaktal.




Ex va chuncha ni kit'in yu Juan kunita klaqts'il ni sast'i putaulan Jerusalén yu ixnavin Dios, ta'eltajuminchal lakt'iyan ta'an vilchal Dios. Yucha ayaj k'us ixjunita tacha qayntaun jatsi'i yu ox lakatayay para kalakxtuklal kun ixapay.




Ex ijqasmaklhi taun p'ays chivinti yu minchal ta'an yal ni siya ta'an lhachimo'onunkan, va naul: —Chavaycha ni Dios vil ch'antaun kun lapanakni. Yucha kalakt'ataula'. Yu'uncha katajuna' ixlapanakni. Dios kalakt'ataula', va ixDiosk'an kuna'.



Ex astan ni mayul kimasunil maqataun la'axkan yu k'us,  
yu xta'a jatsukunti. Ni anchanu xkan ixtaxtuta ta'an vil ni  
Jalhachimo'onu' Dios ali yu junkan Sas'at'a borrego.  
Ayaj lajk'us ixjunita, ixpatasuy jalakavanti tacha spejo.



Ni anchanu ay putaulan jantu maqsk'iniy xamaklku  
julchan ali malkuyu'. Ni ay Dios tus olaql mapulkuta, yu  
xamaklku ixjunita va yu junkan Sas'at'a borrego.



Pero ancha jantu matichun lapanaki katanuyanta yu lhit'ajun talaqalhin ali yu laktu'unun ali yu jalaklkanan.


Katatanuyanta vamun yu jats'oq'ulanti ixtaqa'utk'an la ixlibro ni Sas'at'a borrego, yu masuy ta'ayucha lhit'ajun jatsukunti.




Chuncha ni Dios kalakpuxaka'oya'  
ixlaqpuqalhutk'an. Jantucha ka'alina'  
lhinin, vachu jantucha ka'alina' qalhuti,  
jantucha matichun kat'ijnana' por  
ixkayaxtu. Tachun yu ix'alin p'unaj  
tapasa'olcha.




Ancha jantucha ka'alina' tu'uchun yu jantu laj'ox. Ancha vil ni Dios la ixpalhachimo'on y vachu' yu junkan Sas'at'a borrego. Vachu' tachun ix'oqxtamatin ancha katato'oyaya'. Yu'uncha ox katalaqts'ina' ix'ukxpu' Dios y katalhitsukuya' ixtaqa'uti la ixmuntsank'an.



Ex klaqts'il ancha ixtayanal ni lapanakni yu ixtanitacha,  
yu laj'ay ali lakst'uniy la ixlaka'ukxpu' ni Dios. Ex  
japux'oqkalcha libros. Ni anchanu' janinin  
jalakmakanikal kuenta ixlaqtaqalk'an tacha  
ts'oq'ulakanta yu tamakatacha. Vachu' tapux'oqlhi  
ataun libro, yucha va ta'an jats'oq'ulakanta  
ixtaqa'utk'an tachun ni lapanakni yu  
talhit'ajun jatsukunti. Vachu ancha  
jalaqtanqalhup'ukal  
ni lapanakni yu jantu  
katemanikal  
ixtaqa'utk'an ni laka libro  
ta'an jats'oqkanta  
ixtaqa'utk'an yu talhit'ajun  
jatsukunti.



Ni Espíritu Santo ali yu katat'alakxtuklaya' Jesús yu  
ixlapanakni tajunita, yu'uncha tanajun, junkan ni Jesús:  
—¡Kat'at'i! Yu taqasmat'a vachu katajunil: —¡Kat'at'i!  
Ta'ayu' yu oqputun xkan, ts'anqay kamilcha, ka'oqlhi ni  
xkan yu vali'iy xtaqkan, yu xta'a jatsukunti.



'Ni Dios va por  
ayaj ixjalakpaxkay  
xalapanakni aniy lakamunukpa', va  
maqxtaqlhi yu vamun yu' ists'al. Ex  
chuncha tachun yu katalhakapu'ana' ni  
yucha jantu katats'anqaya', va  
katalhitsukuya' jatsukunti  
yu jantu aqtaun  
kami'oya'.



ROMANOS 3:23 Tachun ni lapanakni tamaqtaqalhinin, va tats'anqaniy ix'oxixtu ni Dios.

ROMANOS 6:23 Yu lhilhajati yu jalhimapalnan ni talaqalhin va lhinin. Pero yu xta'a ni Dios yucha va jatsukunti yu jantu aqtaun kami'oya' incha ch'antaun juntau kun Cristo Jesús kiJalhachimo'onuk'an.

HEBREOS 9:27 Maqsk'iniy tachun va aqtaun kaniu, ex astan Dios kalakmuk'aniya' laqtaqal yu tapaxtoqniy.

EFESIOS 2:8,9 Va tamapaynin y xlhiyucha p'ulaqt'axt'ut'at'ik milhakapu'atk'an. Jantu va me'emank'an k'alaqt'axt'ut'ik, va ixlhache'evan ni Dios. Jantu lay k'ap'ulaqt'axt'u por yu k'amak'at'i, xlhiyucha jantu matichun lay ay makakan.



ROMANOS 10:9,10 Incha kun minkil k'anau ni Jesús va yucha miJalhachimo'onu' y la melhanuti k'alhak'ap'up'i ni Dios majkujuchoqol tejkan ixnita ex k'alaqt'axt'uye'e. Tus la kelhanutik'an maqsk'iniy k'alhak'ap'up'i para ox kalaqts'in ni Dios y la minkil maqsk'iniy k'anau yu lhak'ap'up'in para k'alaqt'axt'u.

SAN JUAN 3:16,17 'Ni Dios va por ayaj ixjalakpaxkay xalapanakni aniy lakamunukpa', va maqxtaqlhi yu vamun yu' ists'al. Ex chuncha tachun yu katalhakapu'ana' ni yucha jantu katats'anqaya', va katalhitsukuya' jatsukunti yu jantu aqtaun kami'oya'. Ni Dios jantu kamalaqachal ists'al para kalaqxtaqlnil maqanlqajnati ni lapanakni. Va para kaamalaqtaxtul.



1 JUAN 5:11-13 Ni Dios kintalaqpute'enin ni kintaxtaqnitan jatsukunti yu jantu aqtaun kami'oya'. Yu aniy jatsukunti minachal kun Sas'at'a. Ta'ayu yu t'a'an Sas'at'a Dios, yucha lhit'ajun yu jatsukunti yu jantu aqtaun kami'oya'. Pero yu jantu t'a'an yu Sas'at'a, yucha jantu kalhitsukul anchanu' jatsukunti. Chuncha klats'oqniyau ni uxiknank'an yu lhakapup'inat'ik Sas'at'a Dios para kak'ats'at'ik ni lhit'aunat'ik jatsukunti yu jantu aqtaun kami'oya'.



SAN JUAN 14; 2 Corinthians 5; Rev. 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Tepehua Tlachichilco NT (tpt)© 2004, Wycliffe Bible  
Translators, Inc. All rights reserved.

<https://live.bible.is/bible/TPTTBL/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

